0.0.1 Dona(loka)suttam

- 1. ekam samayam bhagavā antarā ca ukkaţţham antarā ca setavyam addhānamaggapaţipanno hoti. doņopi sudam brāhmano antarā ca ukkaţţham antarā ca setavyam addhānamaggapaţipanno hoti. addasā kho doņo brāhmano bhagavato pādesu cakkāni sahassārāni sanemikāni sanābhikāni sabbākāraparipūrāni. disvānassa etadahosi: acchariyam vata bho. abbhutam vata bho na vatimāni manussabhūtassa pādāni bhavissanti.
- 2. atha kho bhagavā maggā okkamma aññatarasmim rukkhamūle nisīdi, pallaṅkam ābhujitvā ujum kāyam panidhāya parimukham satim upaṭṭhapetvā.
- 3. atha kho doņo brāhmaņo bhagavato pādāni anugacchanto addasa bhagavantam aññatarasmim rukkhamūle nisinnam pāsādikam pasādanīyam santindriyam santamānasam uttamadamathasamathamanuppattam dantam guttam samyatindriyam nāgam. disvā yena bhagavā tenupasankami. upasankamitvā bhagavantam etadavoca:
- **4.** devo no bhavam bhavissatīti? na kho aham brāhmaṇa devo bhavissāmīti. gandhabbo no bhavam bhavissatīti? na kho aham brāhmaṇa gandhabbo bhavissāmīti. yakkho no bhavam bhavissatīti? na kho aham

brāhmaṇa yakkho bhavissāmīti. manusso no bhavaṃ bhavissatīti? na kho ahaṃ brāhmaṇa manusso bhavissāmīti.

- 5. devo no bhavam bhavissatīti iti puttho samāno na kho aham brāhmana devo bhavissāmīti vadesi. gandhabbo no bhavam bhavissatīti iti puttho samāno na kho aham brāhmana gandhabbo bhavissāmī vadesi. yakkho no bhavam bhavissatīti iti puttho samāno na kho aham brāhmana yakkho bhavissāmī vadesi. manusso no bhavam bhavissatīti iti puttho samāno na kho aham brāhmana manusso bhavissāmī vadesi. atha ko carahi bhavam bhavissatīti.
- 6. yesam kho aham brāhmaṇa āsavānam appahīṇattā devo bhaveyyam, te me āsavā pahīṇā ucchinnamūlā tālāvatthukatā anabhāvakatā āyatim anuppādadhammā. yesam kho aham brāhmaṇa āsavānam appahīṇattā gandhabbo bhaveyyam, te me āsavā pahīṇā ucchinnamūlā tālāvatthukatā anabhāvakatā āyatim anuppādadhammā. yesam kho aham brāhmaṇa āsavānam appahīṇattā yakkho bhaveyyam, te me āsavā pahīṇā ucchinnamūlā tālāvatthukatā anabhāvakatā āyatim anuppādadhammā. yesam kho aham brāhmaṇa āsavānam appahīṇattā manusso bhaveyyam, te me āsavā pahīṇā ucchinnamūlā tālāvatthukatā anabhāvakatā āyatim anuppādadhammā.

bit page 078

7. seyyathāpi brāhmaṇa uppalaṃ vā padumaṃ vā puṇdarīkaṃ vā udake jātaṃ udake saṃvaḍḍhaṃ udakaṃ accuggamma ṭhāti anupalittaṃ udakena. evameva kho ahaṃ brāhmaṇa loke jāto loke saṃvaḍḍho lokaṃ abhibhuyya viharāmi anupalitto lokena. buddhoti maṃ brāhmaṇa dhārehīti.

yena devūpapatyassa gandhabbo vā vihaṅgamo, yakkhattaṃ yena gaccheyyaṃ manussattañca abbaje¹, te mayhaṃ āsavā khīṇā viddhastā vinalīkatā.

puṇḍarīkaṃ yathā vaggu² toyena nūpalippati, nūpalittomhi³ lokena tasmā buddhosmi brāhmaṇāti.

pts page 039

¹abbhaje (syā); andaje (sīmu)

²uggam (syā)

³kupalippāmi (syā, machasam); nūpalimpāti (ka)